


地 280.165
42
EPC-21-8

方輿志

沿革 編年 市鎮
插圖 序文 銜名 凡例 目錄



樂山縣志

第一冊

總 067
分 217

樂山縣志
一十二卷

中華民國二十二年庚申秋
成豐美粉粉公司代印

插圖

樂山縣城圖 一三三

平羌鄉圖

凌雲山大像圖

映碧鄉圖

烏尤山圖

安谷鄉圖

嘉樂閣圖

雙鶴鄉圖

文廟全圖

凌雲鄉圖

萬景樓圖

嘉樂鄉圖

樂山公園圖 一三三四

觀峨鄉圖

樂山縣地輿圖

懷符古圖

城內外街道圖

江公堰圖

樂山縣志 插圖

縣政府平面圖

泊灘堰圖

文廟正平面圖

千佛堰圖

武廟正平面圖

牛特堰圖

魚洞穿山龍孔聖水楊槽 五堰圖

附水利圖備考

舊敍一

樂山爲府附郭邑其建置沿革山川古蹟以及官師選舉節孝諸大端皆於府志言之詳且備縣似無庸復有志矣雖然府志兼乎諸縣其勢不能以不簡縣志專言一隅其勢不可以不詳府志貴舉其要縣志貴概其凡府志不患其有餘縣志惟恐其不足義例既殊體裁斯異府志之與縣志名不同而實亦各判也予初輯府志檄屬縣志觀之樂山缺如心卽怦然動因於事係樂山者皆詳加考核廣爲蒐羅謂他日賢有司或欲另爲一書此其嚆矢乎已而諸君子莅茲土者或以時甚暫或以事旁午皆不暇及楚北龔雲舫明府以名進士由銓曹改官斯土甫下車修廢舉墜輿論翕

樂山縣志

卷一 序一

然接見之餘時以縣無志爲憾顧因事倥匆未遑今年會大府奏修省志檄各屬皆以志往明府慨然曰此可遂吾志也公餘手置一編勤諮博訪每脫稿輒以示余共相商榷不數月書遂成爲卷十有六爲類十蓋取資於府志者十之七益之以旁徵遠引目見耳聞者十之三犁然煥然今而後縣有志矣可無憾矣昔朱子之官先索其地之志觀之明其利害察其人情因以施之政事明府之志如此明府之政可知獨是余於癸亥歲纂輯府志後遲之十年而仍守此土獲觀縣志之成以遂余初志此其中蓋有默爲使之者又非片言所得而喻也時

嘉慶十七年歲次壬申仲冬月

賜進士出身誥授中議大夫知四川嘉定府事前權分巡永甯道
禮部祠祭司員外郎軍功加二級紀錄四次奉新宋鳴琦撰

舊敘二

樂山古嘉州也昔後蜀歐陽彬爲刺史自以爲青山綠水稱風月
主人至宋蘇文忠則云不願封侯識韓而願凌雲載酒吾不知其
鉅麗何如而令人景慕若此邵博云天下山水在蜀蜀山水在嘉
則又不止甲西南已也見聞所及心嚮往之余固楚產楚與蜀接
壤而去嘉特遙發荆門上三峽歷夔渝達瀘戎相違二千餘里舟
車險扼蓋不能無因而至焉余以辛酉成進士分曹銓部已巳乞
補外適奉命宰是邑於是昔所願望而不能至者一旦身履其地

樂山縣志

卷一 序二

二

抗九頂挹三江尋范陸之芳踪訪韋李之遺烈於此邦殆有前緣
而嘆古人之不我欺也卽欲蒐葺舊聞彙成一書以闡山川之勝
概狀花木之殊尤記風土之異宜明士夫之雅尙下車伊始修舉
廢墜諸務未遑且慮搜羅未遍耳目未周不全不備無以徵信爲
作輟者久之樂山本附郭邑郡伯宋梅生先生擅著作才久典是
郡余每於公餘晉謁聆其言論風采得聞所未聞且出所手訂嘉
定府志相示上下古今囊括典籍如入五都之市百貨畢陳任人
取攜無不各得其意以去洵指南之金針而迷津之寶筏也嘗謂
余曰樂山設縣以來七十餘年於茲矣曾無專志此亦官斯土者
所有事也子不可以自謝余雖望洋驚嘆然竊自念退有所考證

進有所折衷年來未竟之志可以藉手歲事茲非厚幸歟夫志猶史也史以鑒古今志以資治理而志於民事爲尤近仰觀俯察可以驗靈秀之鍾樂事勸功所以致尊親之誼稽生齒之數則思普樂利之休下征役之期則思寓休養之意春祈秋報何以有嘉德而無違心出治臨民何以象古人而則來葉暨夫人才之盛衰淑慝之旌別盛於前者不可使莫爲之後興於下者要歸於上之所爲固不得以擗管操觚鋪張揚厲徒誇博洽競尙新奇遂以畢乃事也余奚足以語此而際此治化休明太和翔洽民敦事簡政有餘閒用目覽手披加意纂輯雖不敢妄希曩哲亦庶幾異乎俗吏之所爲期無負於郡伯諄諄勸勉之至意後有作者其以余爲嚆

矢之先也夫

皇清嘉慶十七年歲次壬申仲冬月

賜進士出身誥授奉直大夫前吏部稽勳清吏司主事知樂山縣事荆南龔傳馱撰

敘三

吾蜀政變以來兵匪橫肆廬里爲墟惟樂邑承福公師長之休養七鬯不驚邦人君子乃得優游暇逸考古證今纂續縣志不可謂非幸事也縣志殘毀各地同揆提議纂續者或集議而未行或因亂而中輟惟樂志由始事以至歲事未嘗經一阻滯亦不可謂非幸事也纂續縣志預其事者本無足奇惟當此兵匪橫肆之日予

由始事以至歲事獲參末議相與於成予雖庸陋亦不能不具數言於簡端夫一縣之志乘卽一縣人民祖宗之行述也一縣人民生於斯長於斯聚族於斯舉凡歷代以來賦稅政治之沿革風俗人事之變遷罔不津津樂述引爲目前政治之考證至訓誡後生小子又恆指點村區集鎮誰敦禮讓誰篤孝行誰爲福善禍淫之顯著歷歷如繪警惕身心小子後生因景慕遺徽而端正趨向大之棟樑一國小亦型化一鄉觀感所係似微而宏如其未固初基背道而馳禍亦稱是李陵降匈奴隴西人自闕其城以示恥縣志得失不綦重哉樂邑志乘年久失修鋟板無存卽腐舊殘本亦不易覓若再延數歲恐此腐舊者而亦無存此爲邦人君子所深懼

樂山縣志

卷一 序四

四

者也民國七年秋予攝理邑篆清鄉以後乃與士紳會議共策進行推定易君晴窗爲纂修主任未幾病篤繼推謝君碧岑受事未竣轉推黃君金華總其成黃君與謝易二君暨纂修諸君子皆精於考據撰文述事詞樸理長將使後起英俊起愛鄉之遐想發思古之幽情卓卓然不忝於一縣人民宗祖之行述者諸君子皆優爲之又爲余所景佩者也癸亥夏予改任統捐仍住樂邑至冬書成黃君分送修志凡例索序於余余鄙陋無文乏詞可述謹誌茲事始末以備將來之參考云

中華民國十三年二月之吉前知事大邑唐受潘撰

敘四

古者國各有史以記言記事俾鑑得失正臧否美教化移風俗稱爲寶書誠哉其可寶也自秦郡縣天下惟天子有史官郡縣則否其後乃稍稍有志志猶誌也誌猶記也以別於國史故謂之志其實史與志一也吾邑於縣爲南安中間相沿而變革者累矣清雍正初始易今名曰樂山縣縣舊有志十六卷撮舉綱要而已殊不詳距今又多歷年所國體之變更政治之損益風尚之移易舉不可以不記前知事唐公介眉乃與邑人議續修事易君晴窗爲纂修同人分任協修列采訪調查表二十四美哉乎始基之矣辛酉秋易君物故壬戌夏五月同人以全志屬世瑄總其事經始於閏五月訖癸亥正月凡九月而初稿成時世瑄適應雅州上南師校樂山縣志

卷一 序五

五

講經之聘以補輯修飾潤色事推之黃君經華今年九月乃集厥成以校初稿蓋小損益之而無大歧也抑所見者同耳斯役也計其時六年矣總其事者三易矣甚哉修志之難也今幸而成邑之官師人士以鑑得失正臧否美教化移風俗其亦有資於是耶不敢云寶書也

民國十三年甲子冬十月謝世瑄序

跋五

樂山自清雍正十二年始置縣今百九十年矣而縣志專書僅龔宰雲舫十六卷前乎此者南安平羌青衣龍游歷漢晉至清不聞有縣志也鳳毛麟角若是奇罕哉以州志論宋呂昌朝初破天荒

見於通考僅二卷耳亦越有明郭公益林潔已魏瀚袁子讓所修無卷數陳嘉言所訂迺十卷李采范醇敬所輯遺及清代張能麟彭欽冷然賡續纂校存於四庫者爲目十爲卷五何多寡異耶殆部居分併之繇也此志龔宰見之目爲簡略惟宋太守梅生之府志頗稱詳覈然經文良史致康朱慶鏞諸太守補綴加以屬縣七廳一迺目九卷四十八洋洋乎大觀哉顧於樂山揭舉綱要府志統括諸屬體例然也今續纂縣志謝君碧岑創例於初編纂未竣鎔承厥乏竊志書之詳簡關於地方之治忽市耕不變攷古獲間風鶴忽驚奔命無已奚暇弄柔翰哉邑自唐蒙通夜郎轉輸徵役數萬人罷茶感瘴雖舍人注雅中卷猶闕莽征三邊受困倍蓰厥

樂山縣志

卷一 序六

六

後白帝據蜀戰起魚涪黃巾下犍兵興龍素蜀漢楊洪破賊西晉趙模死敵氏李之世驤攻犍勢誘獠邑境淪於化外者二百餘年將欲志之無可志也後周迄隋漸以恢復平羗郡縣實平獠也水草之性時觸藩籬至唐韋李籌邊馭夷恩威濟用始有可紀迺前蜀王建大掠嘉被瘡痍後蜀彥進追奔嘉罹殃劫炎宋肇興重觀天日呂翰張餘又爲戎首後此三百餘年幸蒙樂利吳

秘呂昌朝
由誠

何源魏翁爲司牧馬

炳鄧嘉猷

蘭敏修

薛紱

爲人材南安以來於斯

爲盛不意宋元之際城北麻坪三龜九頂兵禍延絲讀古戰場文同聲悲痛矣明承天運代有循良進士三十人百廢俱舉簡策光昭闔獻爲孽華陽伯保障川南遠方趨附屯田聚義弭亂寧民詎

期袁武大奸全城灰燼流賊竊據十七年言之猶有餘愴清兵掃蕩次第復興修文布德敦俗勸農頗堪記載追述已往但察世代之安危足徵文獻之萃渙志書之完闕職是故耳總之獠害既遠文化漸隆宋末戰禍最烈明末寇盜滋多每屆革更之秋不禁亂離之慘古史周稽歷歷不爽今民國風雲變幻幸託長官之庇以鎔鷲下得與斯役自愧蕪材誠知咎戾昔公穀左皆傳春秋有墨守廢疾膏肓者有發之起之箴之者古今事理蕉心層剝彼此是非各持所見故史記弘瞻譙周考其謬國語典重宗元警其非古人大箸往往爲引發之的鎔於此編網羅舊軼述而竊比無所毀譽於其間耳縱集矢焉庸何涉哉謹誌崖略以俟君子

中華民國十三年甲子孟秋之月黃鎔序

樂山縣舊志銜名

鑒定

知四川嘉定府事宋鳴琦

江西奉新縣人
乾隆丁未進士

纂修

知四川嘉定府樂山縣事龔傳馘

湖北監利縣人
嘉慶辛酉進士

樂山縣學訓導劉銘簠

渠縣人乾隆
己酉舉人

協理

樂山縣典史張德寧

江蘇陽湖
縣人監生

生員涂崧

江西奉
新縣人

候選從九品江之沛

安徽全
椒縣人

樂山縣志

卷一 銜名

八

候選從九品王日溥

浙江山
陰縣人

監生陳熙弼

浙江德
清縣人

貢生龔經圻

湖北監
利縣人

採訪 俱本縣人

貢生李稽典

貢生鄭行素

生員羅冲

生員杜貽棠

生員杜貽簡

候選從九品羅瀄

監修新志銜名

前樂山縣知事唐受潘

監刊新志銜名

署樂山縣縣長陳翹章

纂修

丁酉科舉人長蘆運庫大使黃鎔

丁酉科拔貢綏德直隸州知州謝世瑄

丁酉科副榜易曙輝

癸巳恩科副榜王畏巖

恩貢生嘉定府官立中學堂監督王志仁

樂山縣志 卷一 銜名 九

增貢生北京內城巡警總廳警官黃炳彝

庚子科舉人北京大理院推事李在瀛

附貢生程德銘

校閱

歲貢生縣議會正議長王世仁

附貢生縣議會副議長曾炳貞

附貢生前任隆昌縣知事歐陽惠

附貢生前任貢井分知事施浚

附貢生劉炯

師範生祝堯

采訪

朱旌臣	魏懷德	安世欽	李宗鎧	王清海	陳炳榮
吳克恂	宋懷璟	王文宣	陳立本	胡樹萱	董光大
李欽	劉澤楨	王懷新	杜明迪	郭開俊	楊樹榮
曹文德	以上生員				
杜高崇	姒禹謨	何樹榮	胡朗如	徐鴻勗	章元慧
張立本	馬錫三	陳學熙	廖成德	易汝祥	帥仕英
王琨	郭開運	羅文輔	王孝章	趙生震	許鄮
劉釗	李懷忠	徐靈樞	易學矩	李光宇	詹龍夔
李調鴻	以上學員				

樂山縣志

卷一 銜名

一〇

測繪

四川鐵道學堂繪圖科畢業生 黃光澤

庶務 鍾作濬

會計 杜高炯

凡例

一縣志初成於前清嘉慶十七年爲邑令龔傳猷所手編蓋據舊州志及府志以爲底本已多漏略迄今百有餘年其經過事實尤屬漫無稽考此次續修卽自嘉慶十七年始至民國十九年止采訪舊聞廣收載籍拾墜鉤沈以期詳備其有沿襲舊志者仍於條末註明俾不沒前人創始之功

一縣境方域總會一圖而分圖必多若城區內外街道圖文廟武廟衙署正面平面圖水利則牛特堰江公堰千佛堰臨江河各堰安谷鄉各堰生民衣食所賴國家賦稅所關實地形狀均當詳繪每鄉更繪分圖而懷符古曾同一鎮則共繪一圖

樂山縣志

卷一 凡例

一一

一舊志沿革多略今用斷代記事例采舊史古籍關於樂邑者次第記說之較詳於昔

一禹貢奠高山大川職方舉鎮望山浸皆以山水並列中國古圖多詳水道則以水爲綱故水經有注水道提綱由來舊矣今縣境之內以大水爲經先岷江次青衣江次大渡河以小水爲緯先石堂溪次九龍河次泥溪河次竹公溪次符文河次臨江河次沐龍溪次沫溪至山脉古蹟隨地記載而城中古蹟載入城池編內郭外古蹟附焉

一山水古蹟總局規定隨地附入勿徒散舉其名今從其議所有名人題詠著作概隨地附載以免零散其山川脈絡源委多依

采訪來稿分晰敘次

一 邑中山水名蹟歷經前人題詠及近代名人撰著珠玉在前或說有參迂見智見仁各有所取並采錄之不敢隨意去取

一 自古山水名蹟牽引前人事實以炫勝而爭奇者所在多有故黃州赤壁傳會燒兵軍山武侯紛紜葬墓山川無語莫能辯誣邑中郭璞之臺蘇頌之鎮考古者羣知其誤其有相沿已久衆說紛歧者博采並收期不沒名人之言論識者自決擇之

一 學校爲人材所出風教所關前之書院雖廢所有碑記仍錄存之今之學校按鄉列表核實記載

一 舊志於塚墓一門僅舉十餘今竭力摭索已得名賢古墓四十

樂山縣志

卷一 凡例

二二

餘所然邑中士夫葬於他縣者雖或記其一二尙未詳盡也

一 文廟始建時代與遷徙興廢之蹤跡舊本頗有異說且欠詳明今據州志府志縣志諸書合併鉤核爲之絡貫而詳敘之以重祀典

一 樂邑前代官師見於舊志悉仍存之且加補綴而仍以朝代先後分列文武兩途仍依舊志之例錄其政績嘉慶以後依次補入以見民之好惡維公之意

一 舊志選舉始基五貢科舉既廢學校遞興然銓選仕進迄無一定標準殊難援引前例以爲比附衆議以中等專門學校以上畢業姓名依次列入而議員爲民國立法機關縣省國會議員

皆備列之

一邑中賢哲事蹟與夫忠孝節義風化所關自宜詳載有其事雖非邑人而前已建有祠如榮縣胡侍郎之忠節祠未詳事實峨邊丁烈女祠附於李烈婦未能標著今特考核祠地以爲觀感蓋縣志合併府志有其舉之莫敢廢也至列女貞孝節烈幽光潛德國典特予旌揚邑志自當紀載其祠祀設位總坊列名而事實無考者仍舊但列姓氏

一節孝一門清例守節不滿三十歲請旌當滿五十歲嗣經御史劉國光奏准凡守節六年而卒者得從寬予以旌典今暫從此例無所增損

樂山縣志

卷一 凡例

一三三

一藝文志例昉於班氏必須實有著作方得列入其僅存書目序例者恐涉虛構概不登錄

一論語子不語怪然彗孛星實地震山崩鸛鶴螽螟春秋書之亦治亂得失之林也今記物異務采實見不尙虛聞民國丁巳洪水爲災亦載其狀況以資警戒

樂山縣志目錄

序文 銜名 凡例 目錄 圖繪

方輿志

沿革 編年 市鎮 區域 方言

禮俗

建置志

城池 公署局所 獄市 庫倉 義宇

津梁 渠堰 學校 坊表 塚墓

典禮志

祀典 壇廟

樂山縣志 卷一 目錄

一四

經制志

田賦 鹽稅 茶稅 礦稅 雜課

權酷 雜捐 戶籍 物產工產

兵防志

兵備團練巡警

官師志

藩爵 文職 武職 政績

選舉志

進士 舉人 五貢 仕進 議員

畢業